

SUKSIS UMP lahirkan sukarelawan PDRM



Para peserta bergambar kenangan selepas menamatkan Kursus Latihan Luar Kor Sukarelawan Polis Siswa Siwi (SUKSIS) Universiti Malaysia Pahang (UMP).

SINAR (Kuantan) Jumaat 28/11/08 ms P5

KUANTAN - Kursus Latihan Luar Kor Sukarelawan Polis Siswa Siwi (SUKSIS) Universiti Malaysia Pahang (UMP) yang berlangsung pada 19-22 November 2008 lalu mampu membentuk jati diri pelajar menjadi sukarelawan PDRM.

Komandan Kor SUKSIS UMP, Asisten Komisioner Prof Dr Abdul Jalil Borham berkata, melalui peng-anjuran kursus itu, sikap positif dalam diri peserta dapat diterap selain memupuk semangat kerjasama, toleransi, ketaatan dan setia kawan di kalangan ahli pasukan.

Menurutnya, kursus latihan luar yang diadakan di Tapak Perkhemahan Pulau Chekas, Ulu Dong, Raub itu me-

rupakan kesinambungan kepada kursus etika yang telah berlangsung di UMP bermula 16 November lalu.

“Terdapat beberapa perkara yang dititikberatkan sepanjang aktiviti perkhemahan ini diadakan antaranya etika kerja PDRM, latihan ikhtiar hidup, latihan hutan, latihan pengendalian kompas dan program kemasyarakatan.

“Bagi program kemasyarakatan, para pelatih Kor SUKSIS secara berkumpulan diberi tanggungjawab membersihkan kawasan rekreasi sekitar tapak perkhemahan, kawasan perkuburan dan sekitar Kampung Peruas, Ulu Dong,” katanya.

Kursus anjuran Penyelaras Kor SUKSIS UMP, Jabatan Hal Ehwal

Pelajar & Alumni (JHEPA) UMP dengan kerjasama Polis Diraja Malaysia (PDRM), JKKK Kampung Peruas, Ulu Dong, IPD Raub, Pasukan Gerakan Am Briged Tenggara, IPK Kuantan dan PDRM.

Hadir sama, Ahli Dewan Undangan Negeri (ADUN) Dong, Datuk Shahiruddin Ab. Moin, Timbalan Komandan Kor SUKSIS UMP, KS Mustafa Ibrahim, Pegawai-pegawai PDRM dan Pegawai-pegawai Kehormat Kor SUKSIS UMP.

Menurut Abdul Jalil, perkhemahan seperti itu mampu melahirkan graduan yang cemerlang, berpengetahuan undang-undang, berdaya saing, berdisiplin dan memiliki nilai-nilai murni.